

Sarkina Bt Mat Saad @ Shaari

From: Hal Ehwal Pelajar
Sent: Sunday, December 20, 2015 11:31 AM
To: UUM - All Staff; UUM - All Students
Cc: Dr. Mohd Dino Khairri Bin Shariffuddin; Azhar B Anis Mohammad; SITI ZULAIHA BINTI AHMAD
Subject: HEP ONLINE: TRANS JELAWANG CONSERVATION EXPEDITION 2015



“UUM : UNIVERSITI PENGURUSAN TERKEMUKA”
(THE EMINENT MANAGEMENT UNIVERSITY)

20 DISEMBER 2015, AHAD | 8 RABIULAWAL 1437H

Berita Oleh : Norafifa Aminullah



DPP SME BANK: Seramai 18 orang pelajar telah menyertai program “Trans Jelawang Conservation Expedition 2015” bertempat di Taman Negeri Kelantan, Gunung Stong pada 9 November 2015 hingga 13 November 2015 baru-baru ini. Program ini telah dianjurkan oleh Biro Sukan dan Rekreasi DPP SME Bank.

Melalui program ini, pelajar dapat belajar dan mengukuhkan kemahiran mereka dalam kerja berpasukan dan kepimpinan serta mempraktikkan kemahiran ikhtiar hidup. Selain itu, program ini membantu melatih peserta berfikir kreatif, inovatif dan menguji ketahanan fizikal dan mental.

Peserta juga dapat menyerlahkan tahap keyakinan masing-masing disamping dapat merapatkan ukhwah diantara peserta dan juga ahli jawatankuasa program.

Selain itu, peserta dapat mendekatkan diri mereka dengan Maha Pencipta dengan melayani dan menikmati keindahan alam yang tersembunyi dan tidak semua orang boleh mengalami pengalaman seperti ini. Pelajar juga dapat berfikir secara rasional tentang perkara yang perlu dilakukan sepanjang program ini.

Trans Jelawang memberi peluang kepada peserta menakluk 9 puncak gunung dalam masa 5 hari 4 malam iaitu Gunung Stong (1420m), Gunung Baha (1450m), Gunung Ayam (1500m), Gunung Che Tahir (1430m), Gunung Beirut (1380m), Gunung Tera (1550m), Gunung Kob (1240m), Gunung Saji (1285m) dan Gunung Nyelit (1345m). Program ini turut membantu ke arah mencapai nilai murni dan mengeratkan persaudaraan tanpa mengira warna kulit, agama dan kebudayaan serta bersepadu bagi mewujudkan insan yang seimbang dan harmonis dari segi intelek, rohani, emosi, sosial dan jasmani dengan berdasarkan kepercayaan dan kepatuhan kepada Tuhan.

Sementara itu, pengarah program, Mohd Zulkeffli Mohamad Gani merakamkan ribuan terima kasih kepada semua pihak yang terlibat dalam memberi komitmen yang tinggi dalam menjayakan program ini.

“Program sebegini diharapkan dapat dilaksanakan lagi pada masa akan datang supaya dapat membantu dalam menzahirkan sikap-sikap positif yang terdapat dalam diri setiap pelajar dan membantu pelajar serta memupuk sikap bertanggungjawab kepada alam sekitar serta rasa hormat terhadap harta dan pemilikan,” katanya.

Sekian.

Daripada

Jabatan Hal Ehwal Pelajar

Universiti Utara Malaysia

06010 UUM Sintok, Kedah

Tel: 04 – 928 4011

Faks: 04 – 928 4016

Web: www.hep.uum.edu.my
Emel: hep@uum.edu.my
Facebook: <https://www.facebook.com/hep.uum>
Blog: <http://hepuum.blogspot.com/>

